

吉安府志卷之二十

中憲大夫知吉安府事

纂修

列傳三

明朝 起嘉靖至萬曆甲申

彭杰	趙璜	劉玉	彭禮	劉遜
羅欽德	羅善	羅循	羅僑	蕭乾元
歐陽重	毛伯温	劉秉監	歐陽鐸	劉廷篋

吉安府志

列傳三

尹衮	尹襄	王學夔	李儼	蕭晚
周契	曾存仁	周延	彭黯	張綱
歐陽塾	尹臺	朱衡	楊載鳴	王士翹
王時柯	劉懋	楊海	張秩	鍾紐
顏鑰	郭汝霖	胡文宗	吳來鳳	王宗尹
賀世采	周以魯			

彭杰字景俊吉水人弘治庚戌進士授南刑部主事
 歷守兗州廣平真定順德四郡裁決敏練吏胥無
 敢舞文所屬州縣不拘以文法而主於愛民以第

其賢否陞四川叅政督餉討楚夷師捷宣慰使冉儀所部縱掠且叛公諭定之上官當代者爲諸司所格卽爲奏代以金謝不受遷按察使歷陞雲南湖廣布政使雲南司鹽法湖廣小祿羨餘二者人咸藉以自利公一無所染而下州所產丹砂斲蛇龜艾諸物當道有物色者旣不知應或詬詈之於是忌者始衆竟得致仕歸公澹於事不取非人所及當劉瑾用事郡邑必致重賂公爲廣平止具二帕黔國沐紹勛禮絕方岳公與之分庭相抗武

定侯郭勛鎮楚藩臬不敢馳中道公強門而入其剛勁如此在南都時仙人尹蓬頭常來乞食每暇宿相戲語他貴人邀之卽不去公年八十有五冬月能飲水數升經年不浴人以爲遇仙所致偶病檢遊仙詩修真書將瞑家人問心明白否瞠目曰比汝更明遂卒

趙璜字庭實安福人從父官蜀之黔江過石首舟觸張濤墜水流半里許不溺讀書僧寺得賈人金囊於佛殿默坐其處須臾亡金者來物色審之良是

卽付之賈探囊爲謝麾去弘治庚戌進士爲都水
主事職方員外擢濟南知府府有黠吏能舞文爲
政蠹守莫能制公預選吏農性朴敏者教之法律
踰年得可任者二十餘人遂盡逐積猾吏宿弊革
殆盡漢庶人牧場故是海豐民田旣入官王府復
奏乞公迄以歸民兩巨璫以選昏至郡皆憚公敢
不敢肆尋擢順天丞忤逆瑾削職歸田里瑾誅復
職陞右僉都御史撫宣府革官吏胥支積弊歲省
軍儲萬餘石調撫山東黃河退灘地數百里最沃

壤集流氓使墾爲田許復其業倖臣錢寧今家丁
鬻鈔禁弗得售擢工部侍郎奏毀鎮國府玄明宮
及諸權奸廬舍以脩國用陞本部尚書故事工曹
錢穀出入漫漶無所稽乃令所司各具簿相覈驗
凡大興作悉自計畫損裁俱多公在部剛正自持
利害不動止顯陵之遷免東廠_正價之追諫建戚
畹第宅省差官陝西織造章凡數十上以是忤中
貴人意乃乞休居五年召復本部尚書以疾辭不
赴卒于家贈太保謚莊靖

劉玉字咸栗萬安縣人弘治丙辰進士爲埤縣令力
拯凋弊歲饑請賑不待報發粟已而郡官闕廩民
恐爲公累爭先歸粟墾田勸耕奏蠲虛稅民復荼
者累千計立教條十八事以興民行召爲御史輝
人爲立生祠因天變陳六事曰端治本清化原親
大臣厲度官擇內侍攘外夷

武宗加之公復疏劉瑾等八黨扇奸宜寘之法而碩
命大臣劉健謝遷當委任疏入覲大怒尋 詔逐
黨人公遂罷歸復構誣輸粟者三凡四百餘石旋

吉安府志

列傳三

四

吉

逮下 詔獄凡四月始免還瑾詠起爲河南督學
僉事轉福建副使督學如故敦本黜浮表揚靖難
之節招降山海之寇召爲大理左少卿所讞疑獄
以卑幼引盜劫應從重論得 俞旨著爲令已卯
改南京遷都御史提督江防聞寧藩變傳檄致詞
以舟師往援安慶及宸濠就擒嘉靖改元 召入
以平濠功陞右副都御史尋擢刑部侍郎大獄事
起下 詔獄罷歸卒于家公學一主於誠常味齋
戒二字謂動靜無間而誠乃可得故終身無浮詞

詭行孝爰信讓疾邪秉公廉潔之操始終不渝所
居僅庇風雨尤精於天文地理兵律儀章法制皆
詳究其本末隆慶初 詔贈刑部尙書謚端毅
彭禮字彥中安福人第進士授兵部職方主事歷遷
員外郎中晉大僕卿陞工部侍郎改都察院左副
都御史巡撫應天風紀振肅累疏乞休得 旨致
仕歸性坦夷不拘小節直行已志以故寡諧於俗
然義利之辨甚言嘗語人曰孝弟立德之基廉介
入官之本基虧而本不正雖有他才無以爲也斯

吉安府志

列傳三

五

吉

其所目持可槩觀矣及卒囑其子無請祠所著有
坦洞棠

劉遜安福人第進士授永嘉知縣用治行 召爲監
察御史首劾巨璫蔣琮不法十事下 詔獄卿佐
而下交章懇採謫判澧州移知武岡州復以裁抑
珉府祿米被誣逮繫兩京科道連章直之

上怒併罪諸論救者而遜竟謫四川行都司斷事擢
湖廣副使趙瑾索賂不得則又以他事逮獄奪職
瑾誅召改雲南尋擢福建按察使遜旣三繫獄而

節不可奪天下想望其風采至以鐵漢目之

羅欽德字允迪泰和人與其第欽忠同登弘治己未進士其時兄文莊公官翰林三羅之名隱隱在公卿間咸欲識其爲人公顧淡避不欲接欵坐是抑其選除兩浙鹽運副使至則一洗宿弊居久之遣妻子歸官舍蕭然若禪院初中官鎮浙者恣甚索金動盈百獨未嘗向公啓齒勢豪冒鹽禁聞公掣盤急鑿其艘沉之其見憚如此久乃轉刑部郎尋陞浙江參議當述職詔吏部舉藩臬大吏異等

以公名聞賜羊酒彩幣旌之陞副使乞歸不許又三年再移疾得旨令有司時其疾愈奏請召用嘉靖初卽家拜湖廣副使尋進貴州按察使堅卧不起家居三十年謝去造請清嚴絕俗獨處一小樓率旬餘始下樓一謁文莊公而已性隆孝爰自浙得請歸侍其父几杖依依若孺子隻字片紙必珍藏微言細行札記靡遺母淑人所製布履旣貴尤笥存之臨終命納諸棺以殉

羅善字復之安福人自爲諸生時有從游者必告以

季弟廉耻爲基址基址不堅雖貴富終且傾仆登
弘治己未進士歷官陝西僉事會逆瑾葬其父焉
崑坡下過者率致祭祭必以文達瑾所善獨不顧
而去瑾術之未發而敗改福建進雲南副使整飭
金騰兵備當道方連疏薦而幡然引疾求致仕既
歸蕭然一室終日凝定如處子月朔望必具衣冠
率子姓胥會中堂講小學數條且考論月中臧否
叱罰其不率教者郡邑舉鄉飲以得迓致爲盛禮
增邑云年九十餘卒

羅循字遵善吉水人弘治己未進士授南刑部主事
丁外艱服闋爲工部主事管徐州洪首罷漕米總
役夫以便漕舟調兵部武庫時以武庫爲閑局有
力者爭欲得之而許大宰進獨與公曰吾以媿兢
進者歷陞武選郎中逆瑾私人多在武衛武衛陞
罷必關白始行有已革乳母官三百人接踵求復
公駁其不可復者五事奏竟寤擢鎮江守巨寇劉
七等薄境鄣外民皆奔城而指揮使閉門自守公
曰城以衛民未聞棄民嬰空城也乃斧局鑰納之

一晝夜乃止未幾 朝廷遣將將大兵至公竭力
促辦軍費而狼山奏捷上其功調淮安守錄囚縱
釋九十餘人聽訟平恕部使者上治行諸郡第一
擢山東按察副使以母喪歸起復爲密雲兵備鎮
守大監聞公氣岸不相下必不利已乃入奏請省
之遂棄官歸用薦起爲山東副使引疾力辭己丑
子洪先及第請告歸公教之不殊童穉客至令衣
冠行酒拂席授几客踧躅起則止之曰君謂勞耶
固所以愛之也公剛嚴慷慨急於義而厭猥屑至

晚歲敝衣菲食與寒士無異始逆瑾所善鄉人通
政李憲公同年也語公願爲先容公弗聽瑾敗憲
且除名其黨皆隱匿避禍公獨載酒與別憲伏地
哭曰昔之賴我者今無一人至公當時拒我乃復
憐我公真古人矣

羅僑字維升吉水人初爲邑諸生聞南昌張東白公
元禎以道術鳴往從之居半載盡得其說以歸教
授生徒一以求放心爲言弘治己未登進士授新
會令治尙風化表陳白沙言辭行事令學者誦法

朔望坐學宮講論不輟歲泛海過崖山記宋死義
諸臣諸所行罷多做前哲事民德之 召諭大理
評事時關瑾專擅用淫刑黜斥大臣道路以自僞
因早上封事其畧言今日曷不朝戲狎群小非所
以基大綦文法大濇誅求大急盜賊白晝殺人流
移載道元氣索竭矣而宰執諫官噤不以聞黥劓
之刑上於大夫竄戍之罪加之耆舊如劉大夏忠
蓋寘之行伍是豈勸大臣之道歟法司比附濇巧
隱中善人 臣竊所不忍也疏上瑾怒欲寘極刑賴

大臣救解得罷歸瑾敗以薦還職復告病歸宸濠
反都御史王守仁聘公居守吉水嘉靖初

召擢台州知府摧奸惠良興學禮士巡行阡陌問
民疾苦布衣張尺貧而賢延之上坐訪以政俗入
覲吏部上其治行爲天下第一 詔賜襲衣牢醴
旌異之擢廣東叅政台民爲立去思碑廣之西山
諸賊猖獗計擒捕之遂引年棄官去吏部移檄勉
留不得已復至韶固稱疾乃得歸杜門謝客日對
書史著潛心錄調學須寡欲則心中無事平生自

處甚儉 民無羨味家無竒玩賓至具常食事伯兄
怡怡歲穫分給諸族羅文恭公稱其自壯至老凝
然竒竒履坦可謂志士矣

蕭乾元字必克萬安人弘治己未進士授行人安南
貢使還奉命防行所過肅然抵關夷餽方物卻之
遷御史上疏數宦官劉瑾等奸狀忤 旨廷杖幾
死罷歸埋誅起福建兵備僉事寢建寧軍士之變
正建安罹喪之罪陞雲南副使建寧士民祀于名
宦祠在滇平大候州亂屬境以寧創永昌府治而

吉安府志

列傳三

十

吉

民不知勞尋稱疾致仕歸清操勁節時論推重焉
歐陽重字子重廬陵人登正德戊辰進士對策力詆
時政讀卷官畏禍不敢上抑寘二甲授刑部主事
歷員外郎中乾清宮災應 詔陳言五事皆人所
難言進瑾柄國會其兄死百官皆吊重獨不往瑾
敗而餘黨錢寧張銳誣逮縉紳前後相衝重於其
中出死力相爭即 詔旨切責不爲動銳不勝憤
以他事下廷尉久之索瘕不得竟還職擢四川按
察司副使提督學校轉浙江按察使未上擢都察

院右僉都御史巡撫蘇松糧儲兼撫應天等處會
尋甸賊安銓反改巡撫雲南甫四月而詮平總兵
沐紹勛挾世胄與中貴唐杜表裏爲奸重疏其指
刻不法數十事遂爲所構致仕家居視入仕之日
爲多出餘俸治室廬與兄弟其居不求分異收族
周貧稱其力不懈也所居近城市未嘗一見郡縣
官在鄉未嘗以辭色忤人鄉隣若不知有公卽相
見不信其爲能忤權貴人者

毛伯溫字汝厲吉水人正德戊辰進士授紹興推官

吉安府志

列傳三

七

吉

斷獄明恕徵拜御史歷按河南斥奸釐弊赫有聲
稱鎮守中官爲奸利有亡命匿中官所公發其罪
狀逮捕急中官私怒持不與公直造其府僂辭折
之中官大驚服遜謝按湖廣壽王軍校恣縱一繩
以法洞庭水寇爲患移守脩居岳兼制之宸濠反
督兵九江斷上遊奔逸特江湖間多事而公規畫
激揚悉中機宜至今湖南北婦人孺子談奇事必
曰毛御史嘉靖改元公上疏言大監張銳張忠濁
穢朝政肅敬帝羈同惡相濟皆當斬擢大理寺丞

右僉都御史巡撫寧夏罷歸用薦者起屢遷右
都御史復罷歸丁酉以右都御史召陞工部尚書
改兵部兼右都御史協理院事尋勅總理宣大
山西三關軍務先是巡撫張文錦築五堡而叅將
不能和拊士卒激禍論者遂以五堡爲諱公曰前
債事者由處置失互非堡之害也於是卽舊弘賜
鎮川二堡廣之增鎮邊堡於鎮川東增鎮虜鎮河
二堡於弘賜西堡相去各二十五里募新軍三千
實其中蠲廢田之租爲屯田以叅將督五指揮分

守之於是五堡橫峙聲援易及虜遂不敢窺犯兵
部列其功加太子少保時安南黎暉被殺其臣莫
登庸割據其地國內爭亂久缺朝貢

上決意討罪命公叅贊軍務督兵南征得便宜行事
公至廣下令籍諸省土漢狼達水兵二十餘萬兩
廣雲南各分三道入次南寧登庸惧請罪且言黎
氏死無後願歸欽州四峒故地世世奉朝貢正朔
如制公念安南罹禍已久且窮治大密非羈縻遠
夷之道遂定計納降鎮夷關築壇具儀登庸率屬

繫頸徒跣北面蒲伏獻降表候命時姪莫文明代
詣闕下公爲具疏請從之以登時爲安南都統
使進宮太子太保班師歸公復舉時弊當釐革者
八事列疏以上尋理兵部事痛抑僭飾以杜佞門
清太勲貴子弟之冗食濫爵者先是巡撫順天都
御史朱方以邊境無事乞罷戍已而虜報至方得
罪公亦坐是罷歸以疾卒公平生豁達和易能容
人過失人有難援之如不及氣宇沉緩臨大事剖
疑折奸聲氣不露其征安南不張皇變幻許飾觀

吉安府志

列傳三

三

吉

聽卒奉德意保全生靈兵不血刃而南土懷服尤
善任人有所咨詢虛已相下卽廝卒皆得盡言以
是將領勇怯智愚無不周知應劇丸轉不少執吝
隆慶壬申 詔贈少保

劉秉監字遵教安福三舍人宣季子正德戊辰進士
授河南寧津令有平寇功擢刑部主事尋署員外
寘權倖錢寧私人于理寧怒伺據無所得出爲河
南僉事兵備夫名以功陞副使兼理河道凡毀淫
祠四十餘區巨璫賴義者以奉 命承天所過凌

鞅長吏監不爲禮義盛怒待之士民爭入擁衛
益憤憤或諷之謁謝監曰屈節耻也禍福命也志
耻以益命吾有死不忍爲竟以誣逮謫韶州判量
移直隸大平復貳潮州起知臨安事卒監爲人孝
爰自十歲喪父伯兄思思守秉常授以約束不踰
尺寸奉生母未嘗拂其意怒則免冠俟解事伯兄
冢嫂尺帛不知私雖臧獲有迂必取決焉蚤勵名
檢晚節乃益嚮學師事湛甘泉公于新泉退與呂
涇野鄒東廓公互究其指歸惜陰會起盛暑靈雨

必赴其兄沮之曰子事母孝事兄悌奚以講學爲
從容對曰兄觀吾外調可免悔尤吾觀吾內猶有
未真純者兄拊掌曰審若是老夫當率以聽

歐陽鐸字崇道泰和人正德戊辰進士授行人上書
言時政剴切不報擢虞衡司員外晉郎中中官鎮
臨清者欲擅威福假山東賊擾請令旗牌行便宜
公曰此古節鉞非專征不得授且後將無紀威命
自雲事竟寢以便養改南武庫司尚書喬公意公
英季少蘊藉數試以事乃大驚異曰賢自愛老夫

且退避矣其後大疑議必相諮決擢延平知府俗
從兄席以進士爲工部郎尋詣移遷夔州同知歷
官福建布政使所至端方不阿士論服其典型從
子乾元以鄉薦爲廣德守河間同知持身廉靜而
煦民渥慈官至刑部郎乾元子昌爲邑諸生受學
羅文恭公廓達有志節惜其材贍竟阨未試而卒
劉廷篋字器重安福人正德間補戍富谿遂占藉辛
未登進士知杞縣 召入爲御史歷按兩浙閩貴
請告歸篋性清介寡合抗志自持行部州縣單車

徑往州長吏而下莫不望風戒嚴居鄉疾惡如仇
雖親舊稍涉武斷痛抑之以故里中富人輒相戒
毋爲不善恐劉御史知臨終家徒壁立以詩戒其
子蓋其質行苦心終始無二而清白一節直欲以
遺其子孫云貴州夷民懷其征勦芒郤阿沙功請
於撫臺從祀諸葛忠武侯廟

尹袞字舜章永新人舉鄉試授壽寧令召父老牖以
至誠作詩歌戶給之俾知力本向學陞判夔府時
採木方嚴巖嶮不可出躬禱于神暴雨漂抵荊州

幾九廟災自陳致仕卒于家贈工部尚書謚恭簡立生祠遷守綿州治綿如治夔公署築牖得窖金數萬兩禁家衆弗得取登其數以當歲賦餘以葺城堞雖奇玩器不一顧綿人爲製去思碑擢貳成都歲餘陟刑部員外郎遷福建運同以疾乞休不俟報如歸終身不爲子孫溫飽計兄弟無私蓄恒以慎交游遠勢要爲誠

尹襄字舜弼永新人衮弟舉鄉試第一人正德辛未進士改庶吉士授編修歷陞侍講尋進司經局洗

吉安府志

列傳三

七

吉

馬每直經筵意存諷諫一日進講尚書說命至官不及私昵有旨問講章誰爲者人交危之襄不爲動時稱講官之獨出者未幾卒襄性醇雅事兄衮尤謹家問起居未敢草一字居常與官府不相聞親故請求殆絕疾革至假貸爲棺殮費有吳峰稿

王學薤字一卿安福人領鄉薦爲郴州學政登正德甲戌進士授刑部主事改吏部考功以疏諫罰詭午門廷杖之嘉靖初上謹始疏淡見嘉納又疏

押戚畹卿宥言官歷考功文選員外郎中晉大常
卿左遷福建叅議尋撫鄖陽轉操江皆有平寇功
進吏部侍郎四年擢南禮部尚書轉吏部四疏乞
休不允改兵部得請致仕立朝蹟在銓司居多王
槐野稱其未嘗陰庇一士陰入一物家居敦儉素
布袍糲飯有儒生所不能堪而獨安之邑中人士
若子姓謁見庭下多謝去外飾更着粗敝惟恐見
謂讓華靡之風爲之一變晚歲奉 特恩存問者
再卒年九十四贈太子少保謚莊簡

吉安府志

列傳三

六

成

李儼字民望永新人正德甲戌進士授行人疏諫南
巡忤 旨杖瀕死調國子學正嘉靖初起拜監察
御史奉命巡應天畿甸肅清人以真御史稱之報
命乞終養撫按交薦不起居鄉做行藍田鄉約率
里人講學務實行不爲虛論卒而祀于社

蕭晚字啓旦吉水人正德辛巳進士授南刑部主事
以持法律忤近貴有聲逮治火者徐美而大闢高
隆不勝忿誣奏公待理久之尚書李公承勛爲白
其寃得免尋守岳州改瓊州會黎佛二叛殺官吏